

Telerau, Amodau a Gwybodaeth am Gyrsiau Byr

Diolch i chi am eich diddordeb yn ein cyrsiau byr mewn celf a dylunio yn Ysgol Gelf Caerfyrddin yng Ngholeg Sir Gâr. Mae'r wybodaeth ganlynol yn rhestru'r Telerau ac Amodau ar gyfer mynychu ein cyrsiau byr, ynghyd â pheth gwybodaeth a ddylai ateb y cwestiynau mwyaf cyffredin a dderbynnir gennym. **A wnewch chi ddarllen y manylion canlynol ac ymgyswrtio â nhw cyn archebu a thalu am le.**

Cyrsiau:-

Mae'r **cyrsiau yn addas** ar gyfer dechreuwyr neu'r rheiny sydd am adnewyddu sgiliau presennol (oni bai y nodir fel arall), ac ar gyfer y rheiny sy'n un ar bymtheg oed neu'n hŷn.

Mae **cynnwys y cwrs** - yn gywir adeg ei ryddhau, rydym yn cadw'r hawl i newid unrhyw fanylion cwrs o fewn y rhaglen cyrsiau byr fel y bo angen.

Os caiff unrhyw newidiadau eu gwneud, rhoddir gwybod i'r ymgeiswyr trwy e-bost cyn gynted â phosibl.

Lleoliad - Bydd holl gyrsiau byr masnachol celf a dylunio yn cael eu cynnal yn Ysgol Gelf Caerfyrddin Coleg Sir Gâr, Campws Heol Ffynnon Job, Heol Ffynnon Job, Caerfyrddin SA31 3HY ffôn. 01554 748 201

Rhestr Bostio Cyrsiau Byr – Defnyddir y rhestr bostio yn unig at ddiben rhoi gwybod i chi am ein rhaglen cyrsiau byr, digwyddiadau, arddangosfeydd, nosweithiau /diwrnodau agored yma yn Ysgol Gelf Caerfyrddin, ac ni chaiff ei rhannu gydag unrhyw bartïon eraill. Os nad ydych bellach am dderbyn y wybodaeth hon, anfonwch e-bost at susan.hayward@colegsirgar.ac.uk neu ffoniwch Swyddfa'r Campws 01554 748 201 a bydd eich manylion cyswllt yn cael eu dileu o'r rhestr pan dderbynnir y cais.

Gwneud cais am Gwrs:-

Anfonwch e-bost at susan.hayward@colegsirgar.ac.uk neu ffoniwch Swyddfa'r Campws 01554 748 201 gan nodi pa gwrs rydych yn dymuno cofrestru arno.

Ychwanegir eich enw a'ch manylion cyswllt at y ffurflen archebu. Yn ychwanegol i'ch enw, eich cyfeiriad e-bost a'ch rhifau ffôn symudol/cartref, rhowch eich cyfeiriad gan gynnwys y côd post.

Mae ein holl gyrsiau byr yn gyrsiau masnachol ac yn amodol ar gyflawni'r niferoedd lleiaf o gyfranogwyr i gyflenwi eu costau cynnal.

Mae **lleoedd** yn gyfyngedig i'r nifer mwyaf a nodir yn nisgrifiad pob cwrs, a chânt eu dosrannu ar sail 'cyntaf i'r felin'. Ni fydd eich lle ar y cwrs yn sicr nes y derbynnir y tâl llawn yn swyddfa'r campws.

Cwrs Llawn - Os byddwch yn gwneud cais am le ar gwrs sydd wedi'i ordanysgrifio, cewch eich hysbysu ac ychwanegir eich enw at y rhestr wrth gefn. Os daw lle ar gael, caiff ei gynnig i'r person cyntaf ar y rhestr, os nad ydynt yn gallu derbyn y lle, caiff ei gynnig i'r ail berson ar

y rhestr, ac yn y blaen. Fel arfer caiff cyrsiau poblogaidd eu cynnig eto ar ddyddiad yn y dyfodol.

Talu :-

Gallwch dalu'n bersonol ar Gampws Heol Ffynnon Job, neu dros y ffôn (01554 748 201) yn ystod yr oriau 9am i 4pm Ddydd Llun i Ddydd Gwener. Gellir gwneud taliadau mewn arian parod, trwy gerdyn debyd/credyd, neu siec yn daladwy i: Coleg Sir Gâr. Gofynnir i chi dalu cost lawn y cwrs pan geir cadarnhad fod y nifer lleiaf o gyfranogwyr wedi'i gyflawni, a chewch eich hysbysu ynghylch hyn trwy e-bost. Y terfyn amser ar gyfer taliad fydd y dydd Mercher cyn i'ch cwrs ddechrau.

A oes consesiynau ar gael? Mae ein holl gyrsiau byr celf a dylunio yn gyrsiau byr masnachol ac yn anffodus, **ni allwn gynnig consesiynau.**

Ad-daliadau - mae'n flin gennym nad ydym yn gallu cynnig ad-daliadau am gwrs byr rydych wedi ei ddechrau eisoes.

Mae'n flin gennym nad ydym yn gallu cynnig ad-daliadau am unrhyw ddsbarthiadau a gollwyd.

Os am unrhyw reswm mae'r coleg wedi gorfod canslo cwrs rhan o'r ffordd drwyddo, byddwch yn cael ad-daliad rhannol ar y dydd(iau)/noswaith(nosweithiau) pan ddylai'r dosbarthiadau a ganslwyd fod wedi'u cynnal.

Bydd ad-daliadau am unrhyw reswm arall fel y gwêl y coleg yn ddoeth, a bydd penderfyniad y coleg yn derfynol.

Cofrestru: –

Wedi i chi gael gwybod bod y cwrs yn mynd yn ei flaen, bydd cofrestru ar y noson/diwrnod bydd eich cwrs yn dechrau. Dylech gyrraedd yn gynnar i gwblhau'r gwaith papur angenrheidiol a chael prosesu eich ffurflen(ni). Byddai'n ddelfrydol pe byddech yn gallu gadael nid llai na thri chwarter awr ar gyfer gwneud hyn. Cofiwch fod cyrsiau eraill hefyd yn debygol o fod yn dechrau ar yr un pryd, felly efallai bydd y noson yn brysur iawn. Bydd lluniaeth ar gael pan fyddwch yn aros.

Noder - Ni fyddwch yn gallu dechrau eich cwrs oni bai eich bod wedi cofrestru a thalu.

Mynychu Cwrs:-

Llofnodi i mewn/allan – dylech lofnodi i mewn (ac allan pan fyddwch yn gadael) ar gyrraedd y campws ar bob ymweliad. Lleolir y llyfr llofnodi i mewn yn y cyntedd ger y brif dderbynfa.

Cewch eich addysgu gan diwtoriaid arbenigol, gwybodus mewn gweithdai â chyfleusterau pwrpasol.

Gwisg bersonol – gwisgwch ddillad 'gwaith' (dillad nad oes ots gennych eu bod yn trochi/ neu'n cael paent/inc na fydd yn golchi allan), ac esgidiau call/cysurus â blaenau caeedig iddynt.

Os oes gennych wallt hir, gwnewch yn siŵr eich bod yn gallu ei glymu nôl os oes angen. Os ydych yn gwisgo sgarff hir neu fwclis, gofynnir i chi eu tynnu yn y gweithdy pan fyddwch yn defnyddio peiriannau (e.e. olwyn crochenydd) er eich diogelwch eich hun. Efallai bydd rhai cyrsiau yn gofyn eich bod yn gwisgo ffedog (gallai hyn fod yn ffedog gegin) neu oferôls (nodir hyn yn nisgrifiad y cwrs), mae cotwm 100% yn ddelfrydol. Nid yw'r coleg yn derbyn unrhyw gyfrifoldeb am golled neu ddifrod i eitemau personol o eiddo'r myfyrwyr/ymwelwyr pan fyddant ar y campws.

Cyfarpar a Deunyddiau - Darperir cyfarpar arbenigol/ deunyddiau. Os yw'n ofynnol i chi gyflenwi offer/deunyddiau ychwanegol, nodir hyn yn nisgrifiad y cwrs. Mae'n bosibl y byddwch yn ei chael yn ddefnyddiol i ddod â'ch llyfr nodiadau/llyfr braslunio eich hun gyda chi ar gyfer cymryd nodiadau a datblygu syniadau.

Mynychu dosbarthiadau Lluniadu'r Byw os ydych rhwng 16 a 18 oed bydd arnom angen caniatâd ysgrifenedig rhiant/gwarcheidwad; efallai gofynnir am brawf o'ch oedran adeg cofrestru, felly dewch â phrawf adnabod ffurfiol gyda chi.

Cwrteisi yn yr Ystafell Lluniadu'r Byw - Yn ystod sesiynau addysgu, dim ond oddi wrth y tiwtor bydd modelau lluniadu'r byw yn derbyn cyfarwyddiadau.

Ni chaniateir ffotograffiaeth yn yr ystafell lluniadu'r byw.

Os ydych yn cyrraedd yn hwyr i'r dosbarth, curwch ar y drws ac arhoswch i gael eich gadael i mewn tra bod y dosbarth lluniadu'r byw ar fynd.

Lluniaeth - cyflenwir digon o de/coffi/bisgedi ar gyfer y cyrsiau byr, a phan fyddwch yn cyrraedd rhoddir gwybod i chi ble maen nhw wedi'u lleoli. Os yw eich cwrs yn rhedeg yn ystod y dydd, dewch â chinio pecyn/fflasg gyda chi. Mae yna beiriannau gwerthu bwyd 'byrbryd' / diod ar y campws ynghyd ag uned dŵr yfed.

Larwm Tân - A digwydd bod larwm tân yn seinio, ewch ar unwaith i'r man ymgynnull agosaf. Bydd eich tiwtor cwrs yn rhoi gwybod i chi am hyn ar ddechrau eich cwrs. Peidiwch â dychwelyd i'r adeilad am unrhyw reswm oni bai eich bod wedi cael gwybod ei fod yn ddiogel i wneud hynny.

Parcio ar Gampws Heol Ffynnon Job

Bydd myfyrwyr yn gallu parcio ar y campws ar gyfer eu dosbarthiadau gyda'r nos, ac ar gyfer dosbarthiadau sy'n para drwy'r dydd ac yn rhedeg yn ystod Hanner Tymor/Wythnos Ddarllen neu wyliau'r Pasg/Haf.

Mae parcio ym maes parcio Campws Heol Ffynnon Job ar gyfrifoldeb perchenogion y ceir eu hunain. Nid yw'r coleg yn derbyn unrhyw gyfrifoldeb am golled neu ddifrod i gerbydau pan fyddant wedi'u parcio ar safleoedd y coleg.

Mynediad i Bobl Anabl – Mae Campws Heol Ffynnon Job ar lefel y ddaear trwyddi draw gyda mynediad cadair olwyn i'r adeilad cyfan. Mae parcio a thoiledau i'r anabl ar gael.

Cyflyrau sydd eisoes yn bod - mae eich diogelwch o'r pwysigrwydd eithaf i ni. Llenwch yr Holiadur lechyd wrth gofrestru, a rhowch wybod i ni am unrhyw gyflyrau a all fod gennych

eisoes e.e. epilepsi, cyflwr ar y galon, cefn tost, alergeddau, yr angen i gario epi pen, meddyginiaeth y mae angen i chi gario gyda chi. Caiff unrhyw wybodaeth a ddatgelir ei gadw'n ddiogel, a'i drin yn hollol gyfrinachol ar sail 'angen gwybod' yn unig, yn unol â pholisïau diogelu data presennol y coleg.

Anghenion Dysgu Ychwanegol/Gofynion Arbennig yn ymwneud â'n cyrsiau byr. Rhowch wybod i'r coleg, o leiaf pythefnos cyn dyddiad dechrau'r cwrs, am unrhyw anghenion dysgu ychwanegol/gofynion arbennig a all fod gennych. Bydd y Coleg yn gwneud pob ymdrech i gefnogi'r rhain, ond o ystyried natur fasnachol a hyd byr y cyrsiau hyn efallai na fydd hyn yn bosibl bob amser. Caiff unrhyw wybodaeth a ddatgelir ei gadw'n ddiogel, a'i drin yn hollol gyfrinachol ar sail 'angen gwybod' yn unig, yn unol â pholisïau diogelu data presennol y coleg.

Ymweliadau i ffwrdd o'r safle - Os bydd rhaid mynd â myfyrwyr cyrsiau byr masnachol i ffwrdd o'r campws fel rhan o'u cwrs (e.e. Ffotograffiaeth Tirlun), byddwn yn gofyn i chi lanw holiadur iechyd cyn dechrau'r cwrs, mae hyn er mwyn sicrhau eich diogelwch tra eich bod gyda ni. Caiff y wybodaeth a ddatgelwyd gennych ei gadw'n ddiogel, a'i drin yn hollol gyfrinachol ar sail 'angen gwybod' yn unig, yn unol â pholisïau diogelu data presennol y coleg.

Cymhwyster – Nid oes cymwysterau ffurfiol ar gyfer cyrsiau byr oni bai y nodir fel arall. Mae'r coleg yn gallu (ar dderbyn hysbysiad o gwblhad llwyddiannus oddi wrth y tiwtor) rhoi tystysgrif y coleg (ar gais), i ddweud bod y myfyriwr wedi mynychu ac wedi cwblhau'r cwrs yn llwyddiannus.

Mae'n bosibl y caiff dosbarthiadau eu hamharu neu eu canslo oherwydd y canlynol:-

Absenoldeb Tiwtor/Canslo Dosbarth - Os digwydd bod tiwtor yn methu bod yn bresennol ar gyfer dosbarth a amserlennir/neu ddsbarth yn cael ei ganslo, byddwn yn gwneud pob ymdrech i gysylltu â chi. Cewch eich hysbysu trwy e-bost / cysylltir â chi dros y ffôn cyn gynted a bo hynny'n ymarferol i'w wneud. Os nad ydym wedi gallu cysylltu â chi, arddangosir hysbysiadau yng nghyntedd y campws. Caiff dosbarthiadau a ganslwyd eu hail-drefnu a fe'ch hysbysir am y dyddiad newydd trwy'r e-bost.

Tywydd Gwael - Os digwydd i'r coleg gau o ganlyniad i amodau tywydd gwael, rhoddir negeseuon ar wefan y coleg <http://www.colegsirgar.ac.uk/>, neges peiriant ateb ar brif switsfwrdd y coleg (01554 748 000), tudalen Facebook y coleg <https://www.facebook.com/ColegSirGarOfficial>, a hefyd hysbysir gorsafoedd radio Scarlet FM, Radio Sir Gâr, The Wave, Real Radio, Radio Sir Benfro, Radio Wales a Radio Cymru. Caiff dosbarthiadau a ganslwyd eu hail-drefnu a fe'ch hysbysir am y dyddiad newydd trwy'r e-bost.

Adborth ar gwblhau eich cwrs:-

Byddem yn ddiolchgar pe byddech yn gallu sbario ychydig eiliadau i lanw'r holiadur byr, di-enw rydym yn ei ddsbarthu ar ddiwedd eich cwrs, bydd yn cymryd tua 5 munud i'w gwblhau. Bydd y wybodaeth a ddatgelir yn helpu i lywio'r ddarpariaeth gyrsiau yn y dyfodol.

Os oes angen eglurhad arnoch neu os oes gennych gwestiwn nas atebwyd gan unrhyw un o'r pwyntiau uchod, cysylltwch â susan.hayward@colegsirgar.ac.uk neu ffoniwch swyddfa'r campws ar 01554 748 201